

Laibach u Historijskom muzeju BiH

[Džemila Busnov](#)

U okviru procesa obogaćivanja kolekcije "Opkoljeno Sarajevo", a povodom koncerta grupe Laibach, Historijski muzej BiH će predstaviti dio NSK arhiva koji se odnosi na kulturni život Sarajeva za vrijeme opsade.

Naime, slovenačka avangardna dobit će mjesto u arhivu "Opkoljeno Sarajevo". Grad Sarajevo i grupa Laibach imaju posebno snažnu vezu, koja se najviše ogleda kroz činjenicu da je Laibach jedan od izvođača koji je održao koncert u opkoljenom Sarajevu, a održavanje koncerta se podudaralo sa potpisivanjem Daytonskog mirovnog sporazuma.

Više od dvije decenije nakon historijskog koncerta smo otvorili priču o koncertu Laibacha iz 1995. godine koja će biti predstavljena kroz izložbu "NSK država Sarajevo". Priča o koncertu je ispričana kroz fotografske zapise Zorana Kanlića, svjedočanstva i dokumente građana Sarajeva. Historijski muzej BiH je u procesu prikupljanja građe za kolekciju "Opkoljeno Sarajevo" ostvario brojna partnerstva – jačanjem veza sa savremenim društvom i međuinstitucionalnom saradnjom.

Jedna od institucija je Fakultet političkih nauka u Sarajevu. Rezultat ove saradnje je razgovor o temi "Sarajevo 1995-2018: Kovanje budućnosti na historijskom mjestu spoticanja" sa Ivanom Novakom iz Laibacha. Razgovor će se održati na dan sarajevskog koncerta grupe Laibach, 29. marta, u sklopu predstavljanja izložbe "NSK država Sarajevo".

Izložba će biti predstavljena i na Fakultetu političkih nauka u Sarajevu. Na dan održavanja koncerta Laibacha u Sarajevu, 29. marta će u Historijskom muzeju BiH biti održane sljedeće aktivnosti:

13:00 Dolazak članova grupe Laibach u muzej

13:10 Obilazak postavke "Opkoljeno Sarajevo" i integriranje priče o

koncertu Laibacha iz 1995. godine u stalnu postavku "Opkoljeno Sarajevo"

13:30 Otvorenje izložbe "NSK Sarajevo" fotografa Zorana Kanlića

13:45 Davanje izjava za medije

14:00 Sarajevo 1995-2018: Kovanje budućnosti na historijskom mjestu spoticanja

Razgovor sa Ivanom Novakom, NSK/Laibach

Moderator: Jasmin Hasanović, FPN

- Ove aktivnosti su samo jedna od faza kojom nastojimo obogatiti kolekciju "Opkoljeno Sarajevo". Historijski muzej BiH će imati svoj kutak za prikupljanje u Domu mladih, u toku koncerta. Pozivamo Vas da dođete u Muzej i ispričate svoje NSK, ali i brojne druge priče, poručuju iz Historijskog muzeja BiH.